


DOSSIÈR DE PREMSA



dicodòc
multidiccionari occitan

Qu'ei en linha lo Dicodòc navèth ! Que perpausa d'ara enlà traduccions, conjugasons, expressions, sinonimes, tèrmes especializats, toponimes e exemples en un solet utís dab un site dedicat - dicodoc.eu - e ua aplicacion mobila navèra.

11 ans après la soa mesa en linha, lo diccionari occitan de referéncia qu'a beròi pèthmudat : mercés a un tribalh de longa man de tractament de las dadas, aquera atruna de punta que perpausa d'ara enlà **un sarròt de ressorsas e de servicis integrats**. Que l'avem pensat tà qu'ajan los usatgèrs **ua experiéncia enriquida** e l'accès a ua **lenga mei qualitativa**.



Accedir au multidiccionari en linha *Dicodòc* : dicodoc.eu

Dossièr de premsa numeric (dab videos) a l'adreça premsa.locongres.com/dicodoc

/ Dicodòc en quauquas chifras

470 000 traduccions	2,2 millions de fòrmas conjugadas	80 000 definicions	50 000 expressions idiomáticas
500 000 sinonimes	166 000 exemples d'emplec	25 000 tèrmes especializats	6 000 toponimes
	20 diccionaris numerizats	17 lexics especializats	

/ Diccionari occitan de referéncia

Lo diccionari occitan mei complet qui sia

Dab 470 000 entradas, 2,2 millions de fòrmas conjugadas e un còrpus textuau de 2,2 millions de mots, *Dicodòc* qu'ei lo diccionari occitan mei complet qui sia. Que cobreish las sheis varietats màgers de l'occitan e que l'actualiza regularament l'equipa deu Congrès.



Ua interfàcia simpla e intuitiva

Un site dedicat - dicodoc.eu -, ua interfàcia soleta e de las simplas entà anar a las definicions, traduccions, expressions, conjugasons, aus lexics especializats, còrpus textuaus atau com a la basa toponimica. De mei, *Dicodòc* qu'ei rapide ! Los utilizators que'n van a sauts entre las ressorsas mercés a ua infraestructura numerica optimizada.

Ressorsas navèras

Gessit deu tribalh de tractament automatic de l'equipa deu Congrès, *Dicodòc* que'vs perpausa ressorsas navèras tà enriquir las vòstas recèrcas : diccionari de las expressions, diccionari deus sinonimes, o enquèra conjugador qui a d'ara enlà ua version en occitan lemosin. Mercés a ua aliança dab editors, *Dicodòc* qu'intègra uei lo dia un còrpus textuau de 2,2 millions de mots extrèits de 400 òbras de la literatura classica e contemporanèa occitana.



Aplicacions derivadas e servicis en linha

Impulsatz lo vòste environament numeric dab *Dicodòc* ! La navèra aplicacion mobila *Dicodòc* qu'ei teledescargabla a gratis de las botigas *Google Play* e *App Store* ençà. Lo corrector ortografic e lo clavèr entaus telefonets que'vs garantiràn tot dia l'usatge d'ua lenga de qualitat.

/ Las funcionalitats de *Dicodòc*

Diccionaris



L'aplicacion aquesta qu'ei un multidiccionari francés-occitan, occitan-francés e definicions, que i caben uei vint diccionaris (10 fr-òc, 6 òc-fr, 1 òc-òc e 3 istorics).

Conjugasons



Trobatz suu pic la conjugason integrau de cada vèrbe tà quate varietats de l'occitan : gascon, lengadocian, lemosin, provençau.

Expressions



Basa de dadas de las expressions, de las citacions e deus arreproèrs en occitan.

Sinonimes



A partir d'un mot, trobatz los sinonimes associats. Aquera ressorsa que l'an bastit mercés au tractament automatic deu *Dicodòc*.

Tèrmes especializats



Que's tròban aquí lexic especializats taus com lo lexic de l'espaci public urban, lo lexic d'Internet, lo lexic occitan deu comèrci, etc.

Toponimes



Aquera basa qu'a l'objectiu d'estar, a tèrme, un endret unic on i caberàn tots los toponimes en occitan.

Corpus littèraire



Las fòrmas atestadas d'un mot en un còrpus literari occitan de referéncia, dab un bònus : la possibilitat d'entèner ua part d'aqueths tèxtes.

/ Las aplicacions derivadas

Aplicacion mobila *Dicodòc*



Eplegatgatz totas las funcionalitats de *Dicodòc* dab lo vòste telefonet mercés ua aplicacion optimizada.

Correctors ortografics *Dicodòc*



Entà verificar los vòstes documents, corrics e formularis escrits en occitan.

Aplicacion mobila *Vèrbòc*



Trobatz la conjugason d'un vèrbe o afichatz-ne ua a l'azard.

Clavèr predictiu *Dicodòc*



Entà picar en occitan suu vòste telefonet.

/ Lo Congrès

Lo Congrès qu'ei l'organisme interregionau de regulacion de l'occitan. Qu'òbra en los maines de la lingüística e deu TAL (tractament automatic de la lenga).



Que produseish utís lingüistics numerics de referéncia (diccionaris, conjugators, correctors ortografics...), aplicacions entau TAL (síntesi vocau, traduccion automatica...) e aplicacions entaus telefonets (clavèrs predictius...).

Qu'a tanben missions de regulacion lingüística e de recèrca scientifica aplicada.

Qu'ei l'editor de Dicodòc (multidiccionari occitan), Revirada (traductor automatic occitan) e Votz (síntesi vocau occitana).

/ Entà mei d'informacions

Lo Congrès permanent de la lenga occitana
Ciutat - Creem
5-7 rue de la Fontaine
64000 Pau

premsa.locongres.com/dicodoc

info@locongres.org

06 45 57 01 07